



Ել. 14/4856-2022

«22» մարտի 2022թ

ք.Արտաշատ

Որոշում N 0620

ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

ՀՀ առողջապահական և աշխատանքի տեսչական մարմնի (այսուհետ՝ Տեսչական մարմին) արևմտյան տարածքային կենտրոնի պետ Գնել Սարգսյանս, ուսումնասիրելով.

1. ՀՀ պետական եկամուտների կոմիտեի նախագահի 2021 թվականի դեկտեմբերի 14-ի /70-8/79685-2021 գրությունը և ներկայացված կից արձանագրությունը,
2. Տեսչական մարմնի ղեկավարի 2021 թվականի դեկտեմբերի 28-ի թիվ ՎՎ-1116-Ա հրամանը,
3. 2022 թվականի փետրվարի 10-ի վարչական իրավախախտումների վերաբերյալ արձանագրություն կազմելու մասին թիվ 14/2362-2022 ծանուցագիրը,
4. վարչական իրավախախտումների վերաբերյալ 2022 թվականի փետրվարի 24-ի N 430 արձանագրությունը,
5. վարչական իրավախախտումների վերաբերյալ գործի քննությանը մասնակցելու վերաբերյալ 2022 թվականի փետրվարի 24-ի թիվ 14/3311-2022 ծանուցումը,
6. վարչական իրավախախտումների վերաբերյալ գործի քննությանը մասնակցելու վերաբերյալ 2022 թվականի մարտի 11-ի թիվ 14/4127-2022 ծանուցումը (էլ. փոստ garer@list.ru):



Պարզեցի

1. Նկարագրական մաս

Ղեկավարվելով «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի «բ» կետով, Տեսչական մարմնի կողմից 2021 թվականի դեկտեմբերի 28-ին հարուցվել է թիվ ՎՎ-1116-Ա վարչական վարույթը՝ անհատ ձեռնարկատեր Սիմոն Խաչիյանին պատկանող քարի արտադրամասում (ՀՎՀՀ 52182695) ՀՀ աշխատանքային օրենսգրքի 14-րդ, 85-րդ և 102-րդ հոդվածների պահանջների պահպանումը պարզելու նպատակով:

2021 թվականի հունվարի 19-ին Տեսչական մարմնի ղեկավարի 2021 թվականի հունվարի 11-ի թիվ 21-Ա հրամանի հիման վրա անհատ ձեռնարկատեր Սիմոն Խաչիյանին պատկանող քարի արտադրամասում նախատեսվել է իրականացնել զննում, սակայն տարածքը եղել է փակ վիճակում:

Տեսչական մարմնի ղեկավարի 2022 թվականի հունվարի 24-ի թիվ 01/1112-2022 որոշմամբ տեսչական մարմնում 2021 թվականի դեկտեմբերի 28-ի թիվ ՎՎ-1116-Ա հրամանով հարուցված վարչական վարույթի ժամկետը երկարաձգվել է 30 օրով՝ փոխօգնության կարգով միջոցներ ձեռնարկելու համար:

Տեսչական մարմնի ղեկավարի 2022 թվականի հունվարի 25-ի թիվ 01/1080-2022 գրությամբ ՀՀ պետական եկամուտների կոմիտեից պահանջվել է տրամադրել քանդակագործ Վահե Հովսեփի Սարիբեկյանի, բանվոր Գևորգ Գիվիի Շավինյանի կողմից անհատ ձեռնարկատեր Սիմոն Խաչիյանին պատկանող քարի արտադրամասում կատարած անօրինական աշխատանքի վերաբերյալ խախտումը հավաստող լրացուցիչ ապացույցներ:

ՀՀ պետական եկամուտների կոմիտեից 2022 թվականի փետրվարի 02-ի թիվ 01/70-8/6503-2022 գրությամբ տրամադրվել է.

1. Վահե Հովսեփի Սարիբեկյանի 2021 թվականի օգոստոսի 27-ի հայտարարությունը, առ այն, որ վերջինս 2021 թվականի օգոստոսի 05-ից աշխատում է քարի արտադրամասում, որպես քանդակագործ:



ՀՀ ԱՆՈՒՐԱԿԱՆ ԵՎ ԼԱԲՈՐԱՆՈՒՄԻ
ՏԵՍՉԱԿԱՆ ԿՈՐՊՈՐԱԿՈՆ
HEALTH AND LABOR INSPECTION BODY
OF THE REPUBLIC OF ARMENIA

0047 ՀՀ, ք. Երևան, Նոր-Մարաշ, Ա. Արմենակյան 129
Հեռ. (374-10) 65-05-53 Էլ. փոստ info@hlib.am
www.hlib.am
Թեժ զիծ՝ 8107

2. Գևորգ Գիվիի Շավինյանի 2021 թվականի օգոստոսի 27-ի հայտարարությունը, առ այն, որ վերջինս չի աշխատում Սիմոն Խաչիյանին պատկանող քարի արտադրամասում և այնտեղ է գտնվել հինգ րոպեով:


Վարչական մարմինը, ուսումնասիրելով գործում առկա փաստական տվյալները և հաշվի առնելով այն հագմանքը, որ ՀՀ ՊԵԿ ախտակիցների կողմից 2021 թվականի սեպտեմբերի 09-ին կազմված արձանագրությունը անհատ ձեռնարկատեր Սիմոն Խաչիյանի կողմից առանց որևէ առարկության ստորագրվել է, գտնում է, որ Վահե Հովսեփի Սարիբեկյանը և Գևորգ Գիվիի Շավինյանը 2021 թվականի սեպտեմբերի 09-ի դրությամբ առանց ՀՀ աշխատանքային օրենսդրությամբ սահմանված կարգով կնքված աշխատանքային պայմանագրերի կամ աշխատանքի ընդունման մասին անհատական իրավական ակտերի աշխատել են Սիմոն Խաչիյանին պատկանող քարի արտադրամասում, որով խախտվել են ՀՀ աշխատանքային օրենսգրքի 14-րդ և 85-րդ հոդվածների պահանջները, որը համաձայն ՀՀ աշխատանքային օրենսգրքի 102-րդ հոդվածի համարվում է անօրինական աշխատանք:

Հիմք ընդունելով «Վարչական իրավախախտումների վերաբերյալ» ՀՀ օրենսգրքի 255-րդ հոդվածը 2022 թվականի փետրվարի 24-ին կազմվել է N 430 վարչական իրավախախտումների վերաբերյալ արձանագրությունը, որը վարչական իրավախախտումների վերաբերյալ գործի քննության ծանուցագրի հետ պատշաճ ձևով հանձնվել է (էլ. փոստ qarer@list.ru):

2. Պատճառաբանական մաս

Վարչական մարմինը հաստատված է համարում, որ կատարվել են վարչական իրավախախտումներ, որով խախտվել են ՀՀ աշխատանքային օրենսգրքի 14-րդ, 85-րդ և 102-րդ հոդվածների պահանջները:

Տեսչական մարմնում (ՀՀ Արարատի մարզ, ք. Արտաշատ, Արամ Խաչատրյան փողոց 116) 2022 թվականի մարտի 22-ին ժամը 10:30-ին տեղի է ունեցել վարչական իրավախախտման վերաբերյալ գործի քննություն, որին անհատ ձեռնարկատեր Սիմոն Խաչիյանը չի ներկայացել և միջնորդություններ չի ներկայացրել քննությունը հետաձգելու մասին, չնայած պատշաճ ծանուցված լինելուն:



«Վարչական իրավախախտումների վերաբերյալ» ՀՀ օրենսգրքի 267-րդ հոդվածի համաձայն՝ վարչական իրավախախտման վերաբերյալ գործը քննվում է վարչական պատասխանատվության ենթարկվող անձի ներկայությամբ: Գործը կարող է այդ անձի բացակայությամբ քննվել միայն այն դեպքերում, երբ տվյալներ կան գործի քննության տեղի և ժամանակի մասին նրան ժամանակին ծանուցելու վերաբերյալ և միջնորդություն չի ստացվել գործի քննությունը հետաձգելու մասին:

Վարչական իրավախախտումների վերաբերյալ գործի քննության արդյունքում վարչական մարմինը, քննելով գործում առկա բոլոր փաստական հանգամանքները, լսելով կողմին, հաստատված է համարում, որ կատարվել է վարչական իրավախախտում, որի համար պատասխանատու է անհատ ձեռնարկատեր Սիմոն Խաչիյանը:

Վերջինիս կողմից վարչական իրավախախտում կատարելու մեջ առկա չեն «Վարչական իրավախախտումների վերաբերյալ» ՀՀ օրենսգրքի 33-րդ և 34-րդ հոդվածներով սահմանված վարչական պատասխանատվությունը մեղմացնող կամ ծանրացնող հանգամանքներ:

«Վարչական իրավախախտումների վերաբերյալ» ՀՀ օրենսգրքի 9-րդ հոդվածի համաձայն՝ վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ուղղվող հակաիրավական, մեղավոր (դիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն: Նշված իրավանորմից հետևում է, որ օրենսդիրը վարչական իրավախախտման առկայության հիմքում դրել է մեղքի առկայությունը, որը կարող է դրսևորվել դիտավորությամբ կամ անզգույշությամբ:

Վարչական մարմինը գտնում է, որ անհատ ձեռնարկատեր Սիմոն Խաչիյանի կողմից իրավախախտումը կատարվել է անզգույշությամբ:

«Վարչական իրավախախտումների վերաբերյալ» ՀՀ օրենսգրքի 11-րդ հոդվածի համաձայն՝ վարչական իրավախախտումը համարվում է անզգույշությամբ կատարված, եթե այն կատարած անձը կանխատեսել է իր գործողության կամ անգործության



ՀՀ ԱՆՈՐԵՆՍԱԿԱՆ ԵՎ ԼԱԲՈՐԱՆՈՐ
ՏՆՈՒՄԱՆ ՍԵՐՎԻՍ
HEALTH AND LABOR INSPECTION BODY
OF THE REPUBLIC OF ARMENIA

0047 ՀՀ, ք. Երևան, Նորք-Մարաշ, Ա. Արմենակյան 129
Հեռ. (374-10) 65-05-53 Էլ. փոստ՝ info@hlib.am
www.hlib.am
Թեժ գիծ՝ 8107

վնասակար հետևանքների առաջացման հնարավորությունը, բայց թեթևամտորեն հույս է ունեցել կանխելու դրանք կամ չի կանխատեսել այդպիսի հետևանքներ առաջանալու հնարավորությունները, թեև պարտավոր էր և կարող էր կանխատեսել դրանք:

«Վարչական իրավախախտումների վերաբերյալ» ՀՀ օրենսգրքի 14-րդ հոդվածի համաձայն՝ պաշտոնատար անձինք ենթակա են վարչական պատասխանատվության այնպիսի վարչական իրավախախտումների համար, որոնք կապված են կառավարման կարգի, պետական ու հասարակական կարգի, բնության, բնակչության առողջության պահպանության ոլորտում սահմանված կանոնները և մյուս այն կանոնները չպահպանելու հետ, որոնց կատարման ապահովումը մտնում է նրանց պաշտոնեական պարտականությունների մեջ: Նշված հոդվածից հետևում է, որ Սիմոն Խաչիյանը ՀՀ օրենսդրությամբ սահմանված կարգով քաղաքացիաիրավական և վարչաիրավական հարաբերություններում հանդես է գալիս որպես անհատ ձեռնարկատեր՝ պաշտոնատար անձ:

«Վարչական իրավախախտումների վերաբերյալ» ՀՀ օրենսգրքի 169⁵-րդ հոդվածի 1-ին մասի համաձայն՝ առանց Հայաստանի Հանրապետության օրենսդրությամբ նախատեսված աշխատանքի ընդունման պահանջները բավարարող աշխատանքային պայմանագրի աշխատող պահելն առաջացնում է՝

տուգանքի նշանակում խախտում թույլ տված անձի նկատմամբ՝ սահմանված նվազագույն աշխատավարձի հիսնապատիկի չափով՝ խախտման յուրաքանչյուր դեպքի համար:

3. Եզրափակիչ մաս

Ղեկավարվելով «Վարչական իրավախախտումների վերաբերյալ» ՀՀ օրենսգրքի 230-րդ, 279-րդ, 281-րդ, 283-րդ հոդվածներով, և 282-րդ հոդվածի 1-ին մասի 1-ին կետով՝

Որոշեցի

1. Անհատ ձեռնարկատեր Սիմոն Խաչիյանին (AM0853686 տրված՝ 2012 թվականի օգոստոսի 29-ին, 057-ի կողմից)՝ որպես խախտում թույլ տված անձ, «Վարչական իրավախախտումների վերաբերյալ» ՀՀ օրենսգրքի 169.5-րդ հոդվածի 1-ին մասով

ենթարկել վարչական տույժի՝ առանց Հայաստանի Հանրապետության օրենսդրությամբ նախատեսված աշխատանքի ընդունման պահանջները բավարարող աշխատանքային պայմանագրի աշխատողներ պահելու համար խախտման յուրաքանչյուր դեպքի համար 50000 (հիսուն հազար) ՀՀ դրամ, ընդհանուրը՝ 100000 (հարյուր հազար) ՀՀ դրամ վարչական տուգանքի:

2. Սույն որոշումը ծանուցել անհատ ձեռնարկատեր Սիմոն Խաչիյանին՝ ՀՀ ք. Երևան, Աջափնյակ, Հին Սիլիկյան խճ.45/2 և ՀՀ Արմավիրի մարզ, ք. Վաղարշապատ, Արագածի 2 զնգվ./ 127-128 հասցեներով, էլ. փոստ garer@list.ru :
3. Սույն վարչական ակտն ուժի մեջ է մտնում մասնակիցներին իրազեկելու հաջորդող օրվանից:
4. Սույն որոշումը ստանալու օրվանից 30 օրվա ընթացքում կարող է բողոքարկվել ակտն ընդունած Տեսչական մարմին կամ ՀՀ վարչական դատավարության օրենսգրքի 72-րդ հոդվածով սահմանված ժամկետում՝ ՀՀ վարչական դատարան:
5. Իրերի և փաստաթղթերի հարցը լուծվել է:

Շնորհակալություն համագործակցության համար՝



ԳՆԵԼ ՍԱՐԳՍՅԱՆ

Ինձ բացատրվել է, որ համաձայն «Վարչական իրավախախտումների վերաբերյալ» ՀՀ օրենսգրքի 305-րդ հոդվածի 1-ին մասի, տուգանքը պետք է վճարվի տուգանք նշանակելու մասին որոշումը հանձնելու օրվանից ոչ ուշ, քան տասնհինգ օրվա ընթացքում, իսկ այդ որոշումը գանգատարկելու կամ բողոքարկելու դեպքում՝ գանգատը կամ բողոքը առանց բավարարման թողնելու մասին ծանուցման օրվանից ոչ ուշ, քան տասնհինգ օրվա ընթացքում:

Ծանոթություն՝

Իրավախախտման համար կիրառվող տուգանքի վճարման պետբյուջեի հաշվի համարը՝ ՀՀ առողջապահական և աշխատանքի տեսչական մարմնի կողմից իրավախախտումների համար կիրառվող տուգանքների և պատժամիջոցների մուտքեր N900005024097:



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԾԱՆՈՒԹԱԿԱՆ ԵՎ ԼԱԲՈՐԱՆԵՐԻ
ՏԵՇՎԱԿԱՆ ԿՈՐԹԵԿՍԻՆԳ
HEALTH AND LABOR INSPECTION BODY
OF THE REPUBLIC OF ARMENIA

0047 ՀՀ, ք. Երևան, Նորք-Մարաշ, Ա. Արմենակյան 129

Հեռ. (374-10) 65-05-53 Էլ. փոստ՝ info@hlib.am

www.hlib.am

Թեժ զիծ՝ 8107

Որոշումը ստացա

(անունը, հայրանունը, ազգանունը, պաշտոնը, ամսաթիվը)

Որոշումը ստանալուց և ստորագրելուց հրաժարվելու մասին նշում

Նշում որոշումը պատվիրված փոստով ուղարկելու և ստանալու ծանուցման մասին

(ուղարկելու ամսաթիվը, փոստային առաքանու համարը, փոստային առաքանին հասցեատիրոջը հանձնելու վերաբերյալ ծանուցագրի համարը)



ՀՀ ԱՌՈՂՈՐԾԱԳԱՀԱՎՈՐ և ԱՐԽԱՆՏԱՆԻ
ՏԵԼԵԿՈՆԱԿԱՆ ՍԵՐՎԻՍ
HEALTH AND LABOR INSPECTION BODY
OF THE REPUBLIC OF ARMENIA

0047 ՀՀ, ք. Երևան, Նորք-Մարաշ, Ա. Արմենակյան 129

Հեռ. (374-10) 65-05-53

Էլ. փոստ՝ info@hlib.am

www.hlib.am

Թեժ զիժ՝ 8107